

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН

ШУӖМ

**«Россия Федерацияса торья оланпастэчас актъясӧ вежсьӧмъяс
пыртӧм йылысь» 2022 во рака тӧлысь 8 лунся 46-ФЗ №-а
Федеральной оланпаслӧн 15 статьяса 2 юкӧнлысь
положениеяс збыльмӧдӧм йылысь**

«Россия Федерацияса торья оланпастэчас актъясӧ вежсьӧмъяс пыртӧм йылысь» 2022 во рака тӧлысь 8 лунся 46-ФЗ №-а Федеральной оланпаслысь 15 статьяса 2 юкӧн збыльмӧдӧм могысь Коми Республикаса Вєськӧдлан котыр шуис:

1. Урчитны, мый 2022 вося ӧшым тӧлысь 31 лунӧдз бӧрьясӧ пыртӧмӧн периодӧ «Канму да муниципальной могьяс вылӧ вузӧс, уджъяс, услугаяс ньӧбан юкӧнын контрактной система йылысь» Федеральной оланпаслӧн 93 статьяса 1 юкӧнӧн (водзӧ – Контрактной система йылысь оланпас) урчитӧм случайяс дорӧ содтӧдӧн заказчик вермӧ ньӧбны вузӧс, уджъяс да услугаяс (водзӧ – закупка) канму да (либӧ) муниципальной могьяс вылӧ Коми Республикалысь могьяс мӧгмӧдӧм могысь дзик ӧти поставщиклысь (пӧдрадчиклысь, збыльмӧдысьлысь), кодӧс индӧма лӧсялӧмӧн Коми Республикаса Вєськӧдлан котырлӧн инӧда актӧн, меставивса администрациялӧн инӧда актӧн, татшӧм случайясын:

1) Коми Республика мутасын канму да (либӧ) муниципальной могьяс вылӧ дзик ӧти поставщиклысь (пӧдрадчиклысь, збыльмӧдысьлысь), кодӧс индӧма Коми Республикаса Вєськӧдлан котырлӧн, Коми Республикаса Юралысьлӧн юрнуӧдӧм улын координационной либӧ сӧвещательной органлӧн заседание бӧртасьяс серти примитӧм да сӧрнигижӧдӧн оформитӧм лӧсялана помшуӧмӧн, закупка нуӧдӧм;

2) Коми Республика мутасын канму да (либӧ) муниципальной могьяс вылӧ торья закупка нуӧдӧм, мый урчитӧма Коми Республикаса Вєськӧдлан

котырлөн, Коми Республикаса Юралысьлөн юрнуөдөм улын координационнӧй либӧ сӧвещательнӧй органлөн заседание бӧртасьяс серти примитӧм да сӧрнигижӧдӧн оформитӧм лӧсялана помшӧмӧн;

3) Коми Республика мутасын канму да (либӧ) муниципальнӧй могъяс вылӧ закупка нуӧдӧм, кутшӧмӧс сьӧмӧн могмӧдан ӧшмӧсӧн лоӧ сы лыдын федеральнӧй сьӧмкудйыс сьӧм.

2. Тайӧ шуӧмлӧн 1 пунктӧн урчитӧм инӧда актъяссӧ дасьтӧны тайӧ шуӧмлыс положениеяссӧ тӧд вылӧ босьтӧмӧн:

Коми Республикаса канму могъяс могмӧдӧм вылӧ – Коми Республикаса олӧмӧ пӧртыс власьт орган уджын курируйтан нырвизьяс серти Коми Республикаса Вескӧдлан котырлӧн Уджаланартӧн урчитӧм пӧрадокын, мый вынсӧдӧма Коми Республикаса Вескӧдлан котырлӧн 2014 во ӧшым тӧлыс 18 лунся 527 №-а шуӧмӧн;

муниципальнӧй могъяс могмӧдӧм вылӧ – меставывса асвеськӧдлан орган меставывса асвеськӧдлан органъясӧн урчитӧм пӧрадокын.

Сэк, кор муниципальнӧй могъяслы закупкаяссӧ нуӧдӧны Коми Республикаса республиканскӧй сьӧмкудйыс сьӧмӧн ӧтув могмӧдан условиясын, тайӧ шуӧмлӧн 1 пунктын индӧм меставывса администрациялӧн инӧда актлыс тайӧ шуӧмын индӧм корӧмъяслы лӧсялӧм бӧрся контроль збыльмӧдӧ Коми Республикаса республиканскӧй сьӧмкудйыс сьӧмкуд сьӧмӧн медшӧр веськӧдлыс.

3. Тайӧ шуӧмлӧн 1 пунктӧн урчитӧм инӧда актӧ колӧ пыртны контрактлыс предмет, медбӧръя кадколаст, кутшӧм вылӧ кырымалӧны контрактсӧ, дзик ӧти поставщиклыс (пӧдрадчиклыс, збыльмӧдысьлыс) уджмогсӧ пӧртны олӧмӧ контракт серти ассьыс кӧсйысьӧмъяссӧ аслыс либӧ позянлун кыскыны контракт олӧмӧ пӧртӧм дорӧ субпӧдрадчикъясӧс, ӧтув збыльмӧдысьясӧс да дзик ӧти поставщикӧн (пӧдрадчикӧн, збыльмӧдысьӧн) контракт серти ассьыс кӧсйысьӧмъяссӧ аслыс олӧмӧ пӧртны колана йӧрыш дорӧ корӧм, а сӧдзжӧ сӧнӧ вермӧны индыны

заказчиклысь уджмог урчитны Контрактной система йылысь оланпас серти контракт олөмө пөртөмсө могмөдны корөм.

Инөда акт балаяс дорө гөгөрвоөдан запискаясын, кутшөмьясөс урчитөма тайө шуөмлөн 1 пунктөн, сы лыдын индыссьөны:

1) контрактлөн предмет (закупка объект);

2) поставщикөс (пөдрадчикөс, збыльмөдысьөс) индан конкурентной ногьясөн вөдитчөмөн закупка нуөдөмлысь ковтөмлунсө (позьтөмлунсө) экономическөя да (либө) технологическөя подулалөм;

3) тайө шуөмлөн 1 пунктса 1 пунктулөн урчитөм случайын:

а) дзик өти поставщик (пөдрадчик, збыльмөдысь) йылысь юөр, сылысь ним, вот мынтысьлысь пас, татшөм поставщикөс (пөдрадчикөс, збыльмөдысьөс) бөрийөмсө подулалөм пыртөмөн;

б) сы серти, лөсялө-ө лоны вермана дзик өти поставщикыс (пөдрадчикыс, збыльмөдысьыс) Контрактной система йылысь оланпаслөн 31 статьяса корөмьяслы, сы лыдын Контрактной система йылысь оланпаслөн 31 статьяса 2 да 2.1 юкөнъяс подув вылын закупкаын участвуйтысьяс дорө содтөд корөмьяслы, заказчикөн нуөдөм прөверкалөн бөртасьяс;

в) лөка уджалысь поставщикьяслөн (пөдрадчикьяслөн, збыльмөдысьяслөн) реестрын, мый урчитөма Контрактной система йылысь оланпасөн, дзик өти поставщик (пөдрадчик, збыльмөдысь), Контрактной система йылысь оланпаслөн 104 статьяса 3 юкөнлөн 2 да 3 пунктьясын индөм йөз йылысь юөрлөн абутөмлун йылысь төдмөгьяс;

4) дзик өти поставчиклысь (пөдрадчиклысь, збыльмөдысьлысь) закупка нуөдан лоны вермана кадколаст;

5) лоны вермана дзик өти поставчикөн (пөдрадчикөн, збыльмөдысьөн) контракт серти ассьыс көсийсьөмьяссьө сыөн либө сийөс олөмө пөртөм дорө субпөдрадчикьясөс, өтув збыльмөдысьясөс кыскөмөн олөмө пөртөм йылысь юөр да найөс кыскыны коланлунсө подулалөм, а сіджө тайө збыльмөдысьөн татшөм контракт серти ассьыс

көсйысьөмьяссө аслыс олөмө пөртны колана йөрыш дорө корөм, мый урчитөма ськөд кырымалан контрактлөн донысь прөчентөн, сэк, кор сйөс олөмө пөртөм дорө кыскөма субпөдрадчикьяссө, өтув збыльмөдысьяссө;

6) контракт олөмө пөртан тшупөдьяс урчитөм йылысь (контрактөн кө урчитөма контракт олөмө пөртан тшупөдьяс), контракт олөмө пөртан кадколастьяс, сылөн торья тшупөдьяс йылысь юөр (контрактөн кө урчитөма контракт олөмө пөртан тшупөдьяс);

7) аванс ыжда дорө корөм урчитөм йылысь (сэк, кор контрактөн урчитөма аванс мынтөм), контракт олөмө пөртан быд тшупөд дорө аванс ыжда йылысь юөр (контрактөн кө урчитөма контракт олөмө пөртан тшупөдьяс);

8) контракт олөмө пөртөмсө могмөдөм йылысь юөр либө татшөм могмөдөм урчитны ковтөмлунсө подулалөм;

9) гарантийной көсйысьөмьяс могмөдөмсө урчитөм йылысь юөр либө татшөм могмөдөм урчитны ковтөмлунсө подулалөм;

10) контракт серти аванс да (либө) контракт вылө казнаысь сьөм видзөм йылысь юөр;

11) закупка сьөмөн могмөдан өшмөсьяс йылысь юөр.

4. Урчитны, мый тайө шуөм серти заказчикөн дзик өти поставщиклысь (пөдрадчиклысь, збыльмөдысьлысь) закупка нуөдигөн:

1) контрактсө лөсьөдоны Контрактной система йылысь оланпаслысь 34 статьяса корөмьяссө төд вылө босьтөмөн;

2) контрактын индысьсө тайө шуөмлөн 1 пунктса лөсялана пунктув вылө ссылка, мый серти нуөдоны закупкасө, тайө шуөмлөн 1 пунктөн урчитөм инөда актлөн реквизитьяс;

3) тайө шуөмлөн 1 пунктөн урчитөм случайын контрактсө кырымалөны тайө шуөмлөн 1 пунктөн урчитөм инөда актлөн вынсялан кадпасысь оз водздзык, эм кө закупкаяслөн план-графикын закупка йылысь юөр, Контрактной система йылысь оланпаслысь 16 статьяса положениеяс төд вылө босьтөмөн;

4) тайö шуöмлön 1 пунктса 2 да 3 пунктувъясөн урчитöм случайясын дзик öти поставщикöс (пöдрадчикöс, збыльмöдысьöс) бöрйöны сэк, кор:

а) заказчик прöверитис, лöсялö-ö лоны вермана дзик öти поставщикыс (пöдрадчикыс, збыльмöдысьыс) Контрактнöй система йылысь оланпаслön 31 статьяса корöмъяслы, сы лыдын Контрактнöй система йылысь оланпаслön 31 статьяса 2 да 2.1 юкөнъяс подув вылын закупкаын участвуитысьяс дорö содтöд корöмъяслы;

б) дзик öти поставщик (пöдрадчик, збыльмöдысь) йылысь, Контрактнöй система йылысь оланпаслön 104 статьяса 3 юкөнлön 2 да 3 пунктъясын индöм йöз йылысь юöрыс абу лёка уджалысь поставщикъяслön (пöдрадчикъяслön, збыльмöдысьяслön) реестрын, мый урчитöма Контрактнöй система йылысь оланпасөн;

5) контрактлысь донсö подулалöм лоö контрактлön быть колана юкөнөн;

б) контракт олöмö пöртöмсö, татшöм контракт йылысь юөр да документъяс контрактъяслön реестрö пыртöмсö, мый урчитöма Контрактнöй система йылысь оланпаслön 103 статьяөн, збыльмöдöны пöрадокын да кадколастьясö, кутшöмъясöс урчитöма Контрактнöй система йылысь оланпасөн контрактлы, мый кырымалöма закупка нуöдан бöртасьяс серти Контрактнöй система йылысь оланпаслön 93 статьяса 1 юкөнлön 2 пункт серти;

7) контракт кырымалан кадпас бöрын мунысь лунсянь 3 уджалан лунысь оз сёрджык заказчик ыстö Коми Республикаса ньöбасьöм нуöдан комитетö лöсялана закупка йылысь уведомление. Татшöм уведомление дорö содтысьö тайö шуöм серти кырымалöм контрактлön копия, лöсялана инöда актлön копия.

5. Тайö шуöмсö олöмö пöртöм бöрся видзöдны Коми Республикаса Велькöдлан котырön Юрнуöдысьöс вежысьлы, кодi кывкутана могъяс юклöм серти координируйтö Коми Республикалысь могъяс могмöдöм вылö закупкаяс юкөннын канму политика збыльмöдан, на бöрся мониторинг

котыртан, закупкаяс юкӧнын контрактнӧй система ладмӧдан юалӧмъяс
серти Коми Республикаса олӧмӧ пӧртысь власьт органъяслысь уджсӧ.

6. Тайӧ шуӧмыс вынсялӧ сійӧс официальнӧя йӧзӧдан лунсянь.

Коми Республикаса Васькӧдлан котырӧн

Юрнуӧдысьӧс вежысь –

Коми Республикаса экономика сӧвмӧдан

да промышленность министр

Э. Ахмеева

Сыктывкар

2022 вося рака тӧлысь 22 лун

131 №